

●★比丘僧是如來傳人

佛制正真之戒，男眾出家，必由比丘僧剃度，傳授沙彌十戒，佛告舍利弗剃度羅睺羅。

《四分律》卷第三十四·受戒捷度（大正廿二·八〇九下）：

「我羅睺羅，歸依佛、歸依法、歸依比丘僧，我於如來所，出家學道，……乃至由比丘僧，為授具足戒。」

爾時佛在釋翅搜迦維羅衛城尼拘律園。時世尊時到著衣持鉢入迦維羅衛城乞食，乞食已還出城。於時羅睺羅母，與羅睺羅在高閣上見佛

來，語羅睺羅言：「彼來者是汝父。」爾時羅睺羅疾疾下樓至如來所，頭面禮足在一面立。時世尊以手摩羅睺羅頭，羅睺羅自念：「從生已來未曾得如是細滑柔軟樂。」佛問言：「汝能出家學道不？」答言：「我能出家。」爾時佛舒一指與羅睺羅捉，將至僧伽藍中，告舍利弗言：

「汝度此羅睺羅童子。當如是度，與剃髮、教著袈裟，偏露右肩、脫革屣、右膝著地、合掌，當如是說：『我羅睺羅，歸依佛、歸依法、歸依比丘僧，我於如來所出家學道，如來是我至真等正覺。』如是第

二、第三說。『我羅睺羅，歸依佛法僧竟，於如來所出家學道，如來即是我至真等正覺。』如是第二、第三說。當教受戒言：『盡形壽不得

殺，是謂沙彌戒，乃至不促金銀寶物，是謂沙彌戒，此是沙彌十戒，盡形壽不得犯。」時舍利弗答言：「如是。」受教度羅睺羅童子已，將至如來所，頭面禮足已在一面立。時舍利弗白世尊言：「我已度羅睺羅竟。云何與沙彌房舍臥具？」佛言：「自今已去從大比丘下次第與。」時小沙彌等大小便吐污泥織繩床座臥具。諸比丘往白佛，佛言：「自今已去，不得令沙彌坐臥此織繩床上。若能愛護不污聽坐臥。」舍利弗白佛言：「若眾僧得施物時，云何與沙彌分？」佛告舍利弗：「若眾僧和合應等與，若不和合當與半。若復不和合，當三分與一分。若不爾眾僧不得分，若分當如法治。」舍利弗白佛言：「小食大食，云何與沙彌？」佛言：「隨大僧次第與。」

● 兩性平等之戒——聞佛說法，證得法眼淨之蓮花色女，從佛求出家。佛令大愛道比丘尼剃度。

《四分律》卷六·三十捨墮法（大正廿二·六〇六上）：「時蓮華色即於

座上得法眼淨，譬如新淨白，疊無有塵垢易以為色，蓮華色得法清淨亦復如是。見法得法得成果證，前白佛言：「願世尊聽我出家，於佛法中修清淨行。」佛告阿難言：「汝將此蓮華色到摩訶波闍波提所令度

之。」阿難即受佛教，將詣摩訶波闍波提所語言：「世尊有教令，汝度人。」即度令出家。彼於異時思惟日進，逮得阿羅漢，有大神力。

●兩性平等之戒——比丘不得度女，當請尼為師。

《善見律毘婆沙》卷三（大正廿四·六九一中）：「我等沙門，不得

度女人。我今有妹，名僧伽蜜多，在波咤利弗國，可往迎來。往昔三佛菩提樹，皆來種此國，今我等師菩提樹，亦應種此間。是故大王，當遣使者到阿育王所，請比丘尼僧伽蜜多，求菩提樹來此間種。」王答：「善哉！」受教勅已，即喚諸臣共議。

「王喚外甥：『汝能往闍浮利地波咤利弗國，請僧伽蜜多及取菩提樹不？』即答言：『能。』於是外甥，與王先要：『若王聽我出家者，我今當去；不者不去。』王答言：『善哉！若得僧伽蜜多比丘尼及菩提樹來者，當聽汝出家。』於是外甥，先受摩哞陀教，及受王命。受已，摩哞陀以神通力，令王外甥阿標又一日到闍浮俱羅渚。到已，即乘舶渡海，到波咤利弗國。是時阿菟羅夫人，與童女五百人及王宮女五百人，悉受十戒，被袈裟衣出在城外，別於城邊起立房舍住止。諸女人，求出家為道，請我為師，今正待我。我今欲去，白王」令知。」王

即答言：『我兒摩哞陀、孫子脩摩那，自去之後，我常如人斷手足無異，我久不見二人，日夜憂惱不離於心，我見汝面得適我心，汝今復去，我必死矣，汝止莫去。』僧伽蜜多答言：『大王，我兄信至重，不可得違，刹利夫人阿菟羅，復欲出家，今正待我，是故我今應當往彼。』王即答言：『若汝兄信如此，可去并菩提樹。』僧伽蜜多白王：『菩提樹在何處？』大王答言：『在阿蘭若處。』

● 佛滅度後，諸比丘尼當從大僧問法。

夫尼戒尚且屬於比丘所學，  
何有比丘尼為男眾剃度授比丘戒耶!?

《十誦律》卷第三十九（大正廿三·二八一中）：「從今比丘應誦比丘

尼戒，莫令忘失。何以故？諸女人喜忘智慧散亂，我般泥洹後，諸比丘尼當從大僧問戒法。」